



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. VI. sententia Catharini confutatur

[urn:nbn:de:hbz:466:1-78232](#)

199. Confirmatur: Augustinus ibidem profiteretur se non audere assertere, *parvulus sine baptismo morientes tantum pena esse plectendos*, ut *cū non nasci potius expediret*: Nam si illi ex amissa beatitudine dolorem & molestiam interiorem sentirent, melius ipsis esset omnino non esse, cū talis dolor non possit non esse gravis, imo teste Chrysostomo citato, major sit dolor sensibili per poemam sensus incusso. Ergo juxta doctrinam SS. Patrum, pueri cum originali ex hac vita migrantes, non afficiuntur dolore aut tristitia interiori, ob amissam beatitudinem.

200. Ratio etiam id suadet: nam ut discurrevit D. Thomas in 2. dist. 83. qu. 2. Ex hoc quod *aliquis* eo quod suam proportionem excedit, non affligitur, si sit recta rationis, sed tantum ex eo quod caret eo ad quod aliquo modo proportionatus fuit. Si cū nullus sapiens homo affligitur de hoc quod non possit volare sicut avis, vel quia non est rex vel Imperator, cū sibi non sit debitum; affligeretur autem, si privaretur eo ad quod habendum aliquo modo aptitudinem habuit. Quia ergo omnis homo usum liberi arbitrii habens, proportionatus est ad vitam aeternam consequendam, quia potest se ad gratiam preparare, per quam vitam aeternam merebitur; ideo si ab hoc deficiat, maximus erit dolor, quia amittet illud quod suum esse possibile fuit. Pueri autem nunquam fuerunt proportionati ad hoc quod vitam aeternam haberent: quia neque eis debebatur ex principio naturae, cū omnem facultatem naturae excedat, nec actus proprios habere poterunt, quibus tantum bonum consequerentur: & ideo nihil omnino dolebunt de carensia visionis divinae; immo magis gaudebunt de hoc quod participabunt multorum de divina bonitate, & perfectionibus naturaribus.

201. Dices: Tales parvuli habuerunt ad ipsam beatitudinem, proportionem, & ordinationem in Adamo, in quo eorum voluntates interpretative continebantur: Sed hoc sufficit ut de illius iactura doleant: Ergo haec ratio D. Thomae non convincit.

202. Confirmatur: Si quis patrimonio privetur ob parentis delictum, non minus dolet, quam si propria culpa exhaeredetur; & tamen tunc patrimonium non sicut in illius potestate, tunc nec culpa parentis: Ergo amissio boni non existens in subjecti potestate, dolorem rationabilem excitat.

203. Ad objectionem respondeo, concessa Majori, negando Minorem: Sapientes enim, qui à passionibus non moventur, sed sola ratione ducuntur (cujusmodi erunt pueri illi) non dolent de amissione, vel de non adeptione bonorum, quæ sibi gratis promilla sunt, quando per ipsum non stat quominus ea recipient; reputant enim illas ac si promissa sibi non fuissent. Unde S. Thomas ibidem in 2. argum. *Sed contra*, sic ait; *Rectratio non patitur ut aliquis perturbetur de eo quod in ipso non fuit ut vitaretur*; propter quod Seneca probat, *quod perturbatio in sapientem non cadit*; *Sed in pueris est ratio recta, nullo actuali peccato obliquata*: Ergo non turbabuntur de hoc quod tam pœnam (caerentiam scilicet visionis Dei) sustinent, quam vivere nullo modo poterunt.

204. Ad confirmationem, concessa Antecedente, nego Consequeniam & paritatem: Ratio discriminis est, quia ad proprium patrimonium quilibet est ordinatus, habetque naturale jus ad illud, & ideo sive aliena, sive propria culpa, aliquis exhaeredetur, rationabiliter dolet:

A ad gloriam autem habendam nullum jus praesedit in parvulis, vel si præcessit, dependebat omnino ab extrinseco; & ideo ob amissam beatitudinem non possunt tristitia rationabiliter.

Nec displaceat quod aliqui Theologi addunt, nimis admiseri ibi divine providentie suavitatem, quæ parvulos illos in suo statu sub tranquillitate conservat. Quam providentia suavitatem quotidie experimur, videmus enim pauperculos frusto panis contentos, & in rigida etiam hyeme, licet seminudos & frigore algentes, alacres tamen & pacatos esse, dum vident nobiles ejusdem naturæ, divitiis & deliciis redundantes.

§. V.

Sententia Catharini confutatur.

Dico tertio: Parvuli cum peccato originali decedentes, post diem judicii, non erunt beatifici beatitudine naturali.

Probatur primò conclusio: Beatitudo naturalis non est compossibilis cum aversione à Deo ut conditore naturæ; sicut nec supernaturalis cum aversione à Deo ut authore supernaturali: Atqui parvuli ratione culpæ originalis sunt averti à Deo, nedum ut authore gratiae, sed etiam ut naturæ conditore; tum quia una aversio sine alia nequit subsistere, ut frequentius Theologi docent; tum etiam quia peccatum capitale Adami, quo parvuli sunt inquinati, utramque aversionem continebat, & consequenter utraque fuit per originem traducta: Ergo non sunt beatifici beatitudine naturali.

Dices: D. Thomas in 2. dist 33. qu. 2. art. 2. ad 5 ait: *Quamvis pueri non baptizati sint separati à Deo, quantum ad illam coniunctionem que est per gloriam, non tamen ab eo penitus sunt separati, immo ipsi coniunguntur per participationem naturalium bonorum, & ita de ipso gaudere poterunt naturæ cognitione & dilectione*: Sed cum dilectione naturali non potest stare aversio à Deo ut conditore naturæ: Ergo parvuli ratione culpæ originalis non sunt aversi à Deo ut authore naturæ.

Respondeo D. Thomam non loqui de dilectione naturali amicabili, efficaci, & perfecta, quæ solacum aversione à Deo ut conditore naturæ incompossibilis est, sed de dilectione naturali, quæ fertur in Deum, prout est essendi naturale principium, quæ cum aversione à Deo ut fine ultimo naturali stare potest, ut patet in Damibbus, qui Deum, prout est essendi naturale principium, plusquam seipso diligunt; sicut demonstrat D. Thomas 1. p. qu. 60. art. 5. & tamen ab ipso ut fine ultimo tam naturali quam supernaturali aversi sunt.

Probatur secundò conclusio: Parvuli ex hac vita cum peccato originali migrantes, manebunt perpetuè inclusi in loco tenebroso, nempe in limbo, eique alligati: Sed cum tali detentio & alligatione stare non potest naturalis felicitas; illa enim omnium bonorum naturalium aggregationem, & omnium malorum & incommunicatum exclusionem importat. Ergo illi parvuli non erunt naturali felicitate beati. Minor patet, Major autem probatur primò ex Augustino serm. 14. de verbis Apostoli, ubi expressè docet non esse locum medium inter regnum & infernum: Sed parvuli post judicium non erunt

erunt in loco regni, scilicet in celo empyreo: Ergo erunt in inferno, seu in limbo, qui, ut supra annotavimus, nomine inferni in Scriptura & SS. Patibus nuncupatur.

Confirmatur ex concilio Florentino supra citato, afferente animas eorum qui in solo peccato originali, vel mortali actuali, decedunt, mox in infernum descendere, pena tamen diffaribus puniendas: Sed nulla est ratio cui ex eo loco post ultimum magni judicij diem liberandæ sint, cum post hanc vitam non sit locus misericordiae, sed iustitiae; & Eccl. 11. scriptum sit, *Vbicumque ceciderit lignum, sine ad Austrum, sive ad Aquilonem, ibi erit;* quem locum Hieronymus in commentario, & alii communiter exponunt de hominibus, qui in eo statu perpetuò erunt, in quo illos mors invenerit: Ergo parvuli ex hac vita cum peccato originali migrantes, post diem judicij in limbo manebunt inclusi, & huic tenebroso loco in perpetuum erunt alligati. Unde Anselmus lib. de conceptu Virgin. cap. 22. versus finem ait, *Post diem iudicij nullus erit Angelus aut homo, nisi aut in regno Dei, aut in inferno.*

Secundo Major principalis suaderi potest ex communi doctrina Theologorum, afferentium quod post universale judicium omnia elementa suum sicut naturalem possidebunt, ita ut ignis supra aerem, ac supra aquam, & haec supra terram sit, terraque aqua omnino cooperata maneat. Cum enim (inquunt) aqua initio mundi totam ambiret terram, ut natura ejus postulare videbatur, ac deinde jussu Dei in locum unum congregata fuerit, ut superesset locus in terra generationi animalium & plantarum, generatione ista cessante cum motu corporum celestium, ratio ipsa & natura rerum postulat, ut aqua ad locum pristinum revertatur, tamquam superficiem terræ cooperiat. Ergo infantes post universale judicium non habitabunt super faciem terræ, ut docent Adversarii (nisi inquis ad instar piscium nature dicantur, quod ridiculum est) sed in loco subterraneo & tenebroso inclusi manebunt.

Tertiò probatur eadem Major: Ex communi Theologorum sententiâ, judicium particolare cuiuslibet, & judicium universale, eandem sententiam continent: Sed anima parvulorum cum peccato originali decadent, in particulari judicio destinantur ad limbum: Ergo post universale judicium in eodem loco manebunt.

Denique suaderi potest conclusio ex duplice inconveniente & absurdo, quod sequitur ex Catharini sententia: Nam si verum esset quod ipse scribit, parvulos, cum originali peccato decadentes, post diem judicij non solum caritarios omni dolore, tum interno, tum externo, sed etiam fore beatos ac felices; & in quadam veluti terrestri paradiso perpetuo vitam aeternam, plenos sapientia & virtutibus, sua forte optimè contentos, Deum toto corde diligentes & laudantes, Angelorum denique consortio & revelationibus saepe fruentes; si haec, inquam, vera essent, sequeretur in primis illos parvulos in universali judicio transiitros de non beatos in beatos beatitudine naturali: cum enim ante illud in tenebroso limbi carcere essent inclusi, beatitudine naturali, qua cum detentione & allegatione ad hunc locum stare nequit, frui non poterant. Sequeretur deinde illos melioris conditionis esse, quia peccaverunt in Adamo, quam si in puris naturalibus decessissent; non enim

A tanta bona debentur hominibus in puris naturalibus in infâria decadentibus: unde parvuli isti præmium & commodum ex peccato originali referent: At haec non solum videntur absurdâ, sed etiam Pelagianorum errori affinia: Ergo &c.

S. VI.

Solvuntur obiecções.

OBJICES primò: Parvuli ob culpam originalem nulla tristitia afficiuntur, ut §. precedenti ostendimus: Sed si in pœnam illius naturali felicitate privarentur, non posset non tristari de ejus privatione; cum eam ut sibi possibilem cognoscerent: Ergo ob culpam originalem non privantur naturali beatitudine.

Respondeo concessa Majori, negando Minorē: nam licet demus quod parvuli cognoscant naturalem beatitudinem, ut sibi possibilem, non tamen cognoscunt se fuisse ad illam ordinatos; cum ordinatio ad aeternam felicitatem naturalem non sit homini ab intrinseco debita, sed ex gratia Dei voluntate proveniat; nullus autem, si sit reparationis, affligitur ex hoc quod caret aliquâ perfectione sibi indebitâ, & ad quam ab intrinseco, & ex sua natura non est ordinatus, ut docet D. Thomas loco supra citato.

Objices secundo: Deus in resurrectione, non obstante culpâ originali, concedet infantibus plura dona gratuita, ut immortalitatem, imparsibilitatem, & quantitatem seu magnitudinem quam habituri essent, si ad adultam ætatem pervenirent: Ergo non denegabit illis naturalem beatitudinem.

Sed nego consequiam, & paritatem: nam dona illa non sunt cum peccato originali incompatibilia, naturalis autem beatitudo cum illo stare non potest; quia, ut in prima probatione dicebamus, beatitudo naturalis importat conversionem in Deum, ut authorem naturæ, peccatum vero originale a Deo nedum ut auctoritate, sed etiam ut conditore natura avertit, ut ibidem ostendimus.

Objices tertio contra secundam probationem nostra conclusionis: Si parvuli ex hac vita cum peccato originali migrantes, manerent post diem judicij perpetuò inclusi in limbo, ei que alligati, pœnam sensus patarentur: Sed hoc dici nequit, ut §. 2. fusc ostendimus: Ergo nec illud. Sequela Majoris probatur: nam ut docuimus in tractatu de Angelis disp. 14. art. 2. pœna sensus, quam dæmones & animæ separatae patiuntur, est per alligationem ad ignem: Ergo si parvuli limbo alligati sint, pœna sensus torquebuntur.

Respondeo primò negando sequelam Majoris. Ad eius probationem, distinguo Antecedens: pœna sensus, quam dæmones & animæ separatae patiuntur, est per alligationem ad ignem, ut activè detinentem spirituales substancias, & occupantem contrarie, concedo Antecedens: solum ut formaliter locantem, nego Antecedens, & Consequentiam. Nam parvulorum animæ, eti in limbo detinentur ut formaliter locante, non tamen contrarie occupantur ab illo ne Deum videant, nec activè detinentur à talibus locis, sed a Deo negante concursum ad excusandum, & ideo non sustinent pœnam sensus, quia ab igne cruciantur dæmones & animæ.

LII ij adul-